

佛說大乘流轉諸有經

羊

大唐三藏法師義淨奉制譯

如是我聞一時薄伽梵在王舍城羯  
 闍鐸迦池竹林園中與大苾芻衆千  
 二百五十人俱并大菩薩摩訶薩無  
 量百千人天大衆一心恭敬圍遶而  
 住尔時世尊為說自證微妙之法所  
 謂初中後善文義巧妙純一圓滿清  
 淨鮮白梵行之相尔時摩揭陀主影  
 勝大王往竹林中礼世尊足右遶三  
 匝在一面坐時影勝王白佛言世尊  
 去向有情先所造業久已滅壞臨命  
 終時皆志現前又復諸法體志空無  
 所造業報而不散失唯願世尊哀愍  
 為我分別解說

尔時世尊告影勝王曰大王當知辟  
 如男子於眠夢中見與人閒端正美  
 女共為稠密既睡覺已憶彼夢中所  
 見美女大王於意云何於眠夢中人  
 閒美女是實有不王言非有世尊告  
 曰大王於意云何此之男子於彼夢  
 中所見美女心生憶念戀慕不捨可

說此人是太博識明智者不王言不  
 尔此是愚人非明智者何以故由彼  
 夢中人間美女畢竟體空不可得故  
 豈能與彼而行稠密令此男子情懷  
 愛戀生憶念耶

佛言大王如是愚癡無識凡人眼見  
 色時心生喜樂便起執著起執著已  
 隨生願戀生願戀已情懷染愛起染  
 愛故隨貪瞋癡發身語意造作諸業  
 然此諸業作已滅壞此滅壞時曾不  
 依止東方而住亦不依止南西北方  
 四維上下至命終時意識將滅所作  
 之業皆志現前辟如男子從睡覺已  
 憶彼夢中所見美女影像皆現如是  
 大王前識滅已後識生時或生人中  
 或生天上或墮傍生餓鬼地獄大王  
 後識生時無間生起彼同類心相續  
 流轉分明領受所感異熟大王曾無  
 有法能從此世轉至後世然有死生  
 業果可得大王當知前識滅時名之  
 為死後識支起号之為生大王前識  
 滅時無有去處後識支起無所從來  
 所以者何本性空故大王前識前識

大乘流轉諸有經 第三卷 羊

性空死死性空業業性空後識後識  
 性空生生性空而彼業果曾不散失  
 大王如是應知一切有情皆由愚惑  
 不知非有妄起願戀輪迴生死尔時  
 世尊欲重宣此義說伽他曰

諸法唯假名 但依名字立 離於能詮語  
 所詮不可得 皆以別別名 詮彼種種法  
 於名法非有 是諸法自性 由名名性空  
 於名名不有 諸法名本無 妄以名詮名  
 諸法皆虛妄 但從分別生 此分別亦空  
 於空妄分別 我說諸世間 以眼見於色  
 皆由邪計想 是名為俗諦 我說一切法  
 皆是藉緣生 是名近勝義 智者當觀察  
 眼不見於色 意亦不知法 是名勝義諦  
 愚者不能知

尔時世尊說此法已摩揭陀主影勝  
 大王深心頂受時諸苾芻及大菩薩  
 人天等衆皆大歡喜信受奉行

佛說大乘流轉諸有經

辛丑歲高麗國大藏都監奉  
 勅雕造

大乘流轉諸有經 第三卷

佛說大乘流轉諸有經

校勘記

- 一 底本，麗藏本。
- 一 二七四頁上二行首字「大」，**資**、**南**、**徑**、**清**無。
- 一 二七四頁上一八行第七字「睡」，**資**、**磧**、**普**、**南**、**徑**、**清**作「眠」。
- 一 二七四頁中四行第六字「行」，**資**、**磧**、**普**、**南**、**徑**、**清**作「所」。
- 一 二七四頁中一一行第一二字「西」，**磧**作「方」。
- 一 二七四頁下五行第一〇字「他」，**徑**、**清**作「陀」。
- 一 二七四頁下九行末字「名」，**普**、**南**作「召」。
- 一 二七四頁下一三行第二字「是」，**磧**作「由」。